

Ammasumik ataatsimiinnermi oqaluuserisassat:

**Imm. 01 Oqaluuserisassat akuersissutigineri**

**Imm. 02 Siulittaasussamik qinersineq**

**Imm. 03 2018-imiit 2022-mut pilersaarusiornissamut periusissiaq**

**Imm. 04 Tamalaat**

Ataatsimiinneq aallartippoq nal.08:41

*Peqataasut:*

*Partii Naleraq*

*Inuit Ataqatigiit*

Dorthe S. R. Olsen - Sisimiut

*Siumut*

Frederik Olsen – Sisimiut

*Atassut*

Emilie Olsen - Sisimiut

*Nalunaaruteqaralik peqataanngitsut:*

Gideon Lyberth - Maniitsoq

Karl Lyberth - Maniitsoq

*Nalunaaruteqarlutik peqataanngitsut:*

Malene Ingemann - Sisimiut

**Imm. 01 Oqaluuserisassat akuersissutigineri**

Akuersissutigineqarpoq.

## **Imm. 02 Siulittaasussamik qinersineq**

Journal nr. 01.02.02

### Tunuliaqutaq

Teknikkeqarnermut Aatsitassarsiornermut Avatangiisinullu ataatsimiititaliap siulittaasua Gideon Lyberth 2018-imi januaarip naanerani sulinnigiffeqarallareermermi kingorna atuuffimminut suli utinngimmat aammalu qaqugu uternissaa nalornissutigineqarmat, siulittaasup tulliata siunnersuutigaa, Teknikkeqarnermut Aatsitassarsiornermut Avatangiisinullu ataatsimiititaliap suleriaasaa naapertorlugu, Teknikkeqarnermut Aatsitassarsiornermut Avatangiisinullu ataatsimiititaliap siulittaasussaminik toqqaassasoq.

### Maleruagassatigut tunngavissat

Kommunit aqunneqarnerat pillugu Inatsisartut inatsisaat nr 29, 17. november 2017-meersumi § 27. "§ 27. Ataatsimiititaliat siulittaasussatik namminneq qinertassavaat. Ataatsimiititaliami ilaasortaq kinaluunniit pisussaavoq siulittaasutut qinigaanini akuerissallugu..."

Teknikkeqarnermut Aatsitassarsiornermut Avatangiisinullu Ataatsimiititaliamut suleriaasissaq 2017-imi juunip 13-ianeersoq.

”§ 3. Ataatsimiititaliap ataatsimiinnerani siullermi ataatsimiititaliap siulittaasussaminik taassumalu tullersortissaanik toqqaassaaq. Toqqaanerit immikkut ingerlanneqassapput nalinginnaasumillu amerlanerussuteqarnikkut aalajangerneqassallutik. Ataatsimiititaliap siulittaasuanik toqqaaneq borgmesterimit aqunneqassaaq.”

Ataatsimiititaliap ilaasortaasa akornanni nalinginnaasumik amerlanerussuteqarnikkut qinigaaffiup ingerlanerani ataatsimiititalianut ataavartunut siulittaasooq taarserneqarsinnaavoq.

### Pissutsit atuuttut

Teknikkeqarnermut Aatsitassarsiornermut Avatangiisinullu ataatsimiititaliami ilaasortat:

Gideon Lyberth (S)	- sinn./stedf. Malene Ingemann (PN)
Sofie Dorthe R. Olsen (IA) siulit.tul./næstfmd.	sinn./stedf. Juliane Enoksen (IA)
Frederik Olsen (S)	- sinn./stedf. Ruth Heilmann (S)
Karl Lyberth (S)	- sinn./stedf. Evelyn Frederiksen (S)
Emilie Olsen (A)	- sinn./stedf. Anna Karen Hoffmann (A)

### **Innersuussut**

Teknikkeqarnermut Aatsitassarsiornermut Avatangiisinullu ataatsimiititaliap siulittaasuata tulliaata innersuussutigaa, siulittaasumik nutaamik toqqaasoqassasoq

### **Aalajangiineq**

Siulittaasussatut qinerneqarpoq Frederik Olsen.

Taasinermi:

Taasisut 3.

Siulittaasussatut toqqarpaat:

Frederik Olsen - Siumut

Emilie Olsen - Atassut

Sofie D. Olsen – Inuit Ataqtigiit.

Sofie D. Olsen – Inuit Ataqtigiit siulittaasutut inissisimagallarnera ullumikkumiik unippoq.

### **Ilanngussaq**

1. Teknikkeqarnermut Aatsitassarsiornermut Avatangiisinullu ataatsimiititaliap suleriaasia:

### **Imm.03 2018-imiit 2022-mut pilersaarusiornissamut periusissiaq**

*Journalnr. XX.XX*

#### Tunuliaqutaq

Aasaanerani sulinnigiffiup aallartinnginnerani tamanut tusarniutigalugu nassiuuneqarnissaa siunertaralugu pilersaarusiornissamut periusissiamik nutaamik suliaqarneq aallartinneqarpoq.

#### Maleruagassatigut tunngavissat

Pilersaarusiorneq aamma nunaminertat atorneqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugu kommunip pilersaarusiordfigineqarneranut tapiliussa q suliarineqarpoq.

#### Pissutsit atuuttut

Ukiuni tulliuuttuni sisamani kommunalbestyrelsi, nunaqarfimmi aqutsisut allaffeqarfillu sunik anguniagarnissaannik innuttaasut takussutissinniarlugit pilersaarusiornissamut periusissiaq suliarineqarpoq. Taamaattumik kommunalbestyrelsip siunnersuummik akuersissuteqarnerata kingorna, pilersaarusiornissamut periusissiasatut siunnersuut sapaatit akunnerini arfineq-pingasuni tamanit oqallisissiasanngorlugu tamanut saqqummiunneqassaaq.

Kommunalbestyrelsimit, nunaqarfimmi aqutsisunit innuttaasunit immersorneqarneq tunuliaqutaralugu pilersaarusiornissamut periusissiasamut siunnersuummik allaffeqarfik suliaqarnikuuvoq, 2018-imi marsimi apriilimilu ataatsimiititalianut nunaqarfinnilu aqutsisunut saqqummiunneqartussaalluni.

Suleqatigiinnissamik isumaqatigiisummi anguniakkat ilanngunneqarnissaat aamma atuilluartaunissamik suliniutaasut kiisalu pilersaarusiornissamut periusissiaq kingulleq aallaaviupput, taamaalillunilu anguniakkat innuttaasunut atuaruminarnerulersillugit. Ataatsimiititaliat nunaqarfinnilu aqutsisut anguniagaasut atuarnissaat pingaaruteqarpoq taamaalillunilu immikkoortuni ataasiakkaani attuumassuteqartuni anguniagaasunik qulakkeerinnissallutik.

#### Atuilluartaunissakkut kingunerisinnaasai

Pilersaarusiornissamut periusissiami nutaami suliaqarnermi ataaseq pingaaruteqartoq tassaavoq, atuilluartaunissamik suliniutaasuniit anguniakkanik ilanngussinissap qulakkeerneqarnissaa. Tassani ilaatigut atuilluartaunissamik suliniuteqarneq ersarissarniarlugu, kisianni aamma atuilluartaunissamik suliniutitaasut Qeqqata Kommuniata suliaqarfiini atuilluartaunissamik suliniutinit ukiuni sisamani aggersuni aallaaviummata pingaaruteqartut.

#### Aningaasaqarnikkut allaffissornikkullu kingunerisinnaasai

Suliaq toqqaannartumik aningaasaqarnikkut kingunissaqanngilaq, kisianni anguniakkanik kinguneqartitsinitsigut, suliasatsinnik qanoq aaqqiissanerluta pingaarnersiussanerluta sunniuteqassaagut.

#### Allaffeqarfiup naliliinera

Allaffeqarfiup nalilerpaa misilittagaralugulu, pilersaarusiornissamut periusissiamik suliaqartarneq pingaaruteqartuusoq aammalu qaninnerusoq ungasinnerusorlu isigalugit anguniakkanik anguniagaqartumik sulinikkut naammasinniffusinnaasoq. Anguniakkanut ataatsimiititaliat

ataasiakkaat kommunalbestyrelsillu piginnittutut misigisimanissaat aammalu anguniakkat politikkillu akornanni ataqtigiiqqarnissaa pingaaruteqarpoq.

Ataatsimiititaliamut attuumassuteqartunut anguniakkanik Teknikkeqarnermut, Aatsitassarsiornermut Avatangiisinullu ataatsimiititaliap eqqartuinissaq pingaartittariaqarpaa. 2014-imiit 2018-imut pilersarusiornissamat periusissiami immikkoortut makkuupput:

- Pinngortitaq, avatangiiseq, silaannaq
- Inigisat, sanaartorneq illoqarfimmilu najugaqarfiit
- Imaaniinneq, nunamiinneq silaannarmiinnerlu
- Kiisalu "Ineriartorneq, ilisimasaqarneq aamma piumassuseqarneq"-mit immikkortut

"Pinngortitaq, avatangiiseq, silaannaq" pillugu oqariartuut "taamaliorusuppugut..." ima allangortinneqassasoq siunnersuutigineqarpoq  
Inuit peqqissuunissaat, avatangiisinik illersuineq kiisalu (akisussaassuseqarneq aamma) eqqagassanik suliaqarnermi akisussaassusilimmik aningaasaqarniarneq (imminut akilersinnaasoq) pingaarnerutissavagut.

Sisimiuni ikualaavimmik nutaamik anginerusumik, avatangiisinut akornutaanngitsumik sanarusuppugut sumiiffinniillu minnerusuniit eqqagassat tassunga assartortikkusuppugut  
Illoqarfinni kuuffiissuarnik annertusaanerput ingerlateqqiinnarusupparput, innuttaasullu illuisa atassusertinnissaat qulakkeerlugu.

Nunaqarfinni anartarfilerisarnermik suliaqartarnerup aaqqinnissaanut pitsaanerpaamik nassaarusuppugut.

Imermut mingunnikumut saliiivimmik pilersitsisoqarnissaanut suliaqarusuppugut.

Maniitsup eqqaani imeq atorlugu nukissiorsinnaanermut peqarfissat illoqarfimmuut innaallagissamik kissamillu kiisalu suliffissuaqarnermut siunertanut atorneqarsinnaanerannut peqataarusuppugut.

"Inigisat, sanaartorneq illoqarfimmilu najugaqarfiit" pillugit oqariartaaseq ima allangortinneqassasoq siunnersuutigineqarpoq  
Innuttaasut kissaataat akiliisinnaassusaallu malillugit pisortat inissiaataannik sanaartortoqarnissaa qulakkeerupparput

Innuttaasut illunik piginnittunngorsinnaanerannut periarfissat nukittorsarusuppugut  
Nunaqarfinni utoqqarnut inuusuttunullu inissianik pilersitsinissaq sulissutigerusupparput  
Inissiaqarfinnik illoqarfimmilu najugaqarfiit sunngiffimmi sammisanut pitsanngorsarneqarnerat nangikkusupparput.

Illoqarfiup qiterpasissuanut tulluurtunik, inuusutissarsiornermut siunertalinut sanaartorfissanik nutaanik immikkoortitserusuppugut.

Illut eriaqissat pillugit kommunip pilersarusiorneqarnera tulluarsarneqarpat, piginnittut kissaataannut ataqqinnikkusuppugut

Kommunip illuutaani nukissiuutit avatangiisinut ajoqutaanngitsut atorneqarneri nukittorsarusuppugut

"Imaaniinneq, nunaminiinneq silaannarmiinnerlu", pillugit oqariartaaseq ima allangortinneqassasoq siunnersuutigineqarpoq

Kangerlussuaq nunat tamalaat akornanni nunatsinni mittarfinni pingaarnerpaatut paariinnarusupparput

Sisimiut Kangerlussuullu akornanni nunaannakkut aqqusinniorusuppugut aammalu sapinngisamik piaartumik aqqusinerut sioraasutut annertusarneqassasoq

Kangerlussuarmi Kangaamiunilu talittarfiit nutaat kiisalu inoqarfiit sinnerini talittarfeqarnikkut pissutsit pitsaasuunissaasa qulakkeerneqarnissaat pingaarnertissavarput  
Kommunimi pisortat mittarfiutaannut umiarsualiviutaannullu piginnittoorusuppugut  
(piginneqataarusuppugut)  
Umiarsualiveqarnermut siunnersuisooqatigiit assigisaallu peqatigalugit angallannikkut atortulersuutinik pilersaarusiornissami inuussutissarsiuuteqartut atuisullu akuutikkusuppagut.  
Nunaqarfinni utoqqarnut inuusuttunullu tulluurtunik inissialiornissaq sulissutigerusupparput.  
Illoqarfinni nunaqarfinnilu aqqusineqarnikkut angallannikkullu pissutsinik pitsanngorsaarusuppugut.

Aatsitassarsiorneq pillugu oqariartaaseq "Ineriartorneq, ilisimasaqarneq piumassuseqarnerlu" ima allanngortinneqassasoq "Kommunimi aatsitassarsiorneq illoqarfigisami sulisinnaasunit aammalu nunarsuaq tamakkerlugu aatsitassarsiorfinniit orniginartuunissaa sulissutigerusupparput" siunnersuutigineqarpoq

### **Innersuussut**

Teknikkeqarnermut, Aatsitassarsiornermut Avatangiisinullu ataatsimiititaliap qulaani pineqartut "Oqariartaatsit taamaaliorusuppugut" eqqartussagaat allannguutaasinnaasunillu siunnersuusiussasoq innersuussutigineqarpoq

### **Aalajangiineq**

Immikkoortoq kinguartinneqarpoq, immikkut ittumik ataatsimiinnissamut Páske-p kingornanut.

### **Ilanngussaq**

1. 2014-imit 2018 tikillugu pilersaarusiornermi periusissat

### **Imm.04 Tamalaat.**

Aqqusernemi isumamannaallisaaneq pillugu Emilie apeqquteqarpoq.

Ataatsiminneq naavoq. Nalunaaqutaq 09.27